



Eisteddfod yr Urdd

Caerdydd a'r Fro

27/05 – 01/06/2019

Unedau a Stondinau Llyfryn Gwybodaeth



EISTEDDFOD GENEDLAETHOL YR URDD

27 MAI - 1 MEHEFIN 2019

CYNNWYS

tudalen:

Opsiynau	3
Canllawiau Archebu a Thalu.....	7
Tocynnau a Phas Cerbyd.....	8
Gosod eich Standin.....	9
Wythnos yr Eisteddfod.....	10
Iechyd a Diogelwch	12
Rheolau ac Amodau.....	13
Cyfarwyddiadau Teithio.....	18
Cwestiynau Cyffredinol.....	19
Mynegai.....	20

DYDDIADAU PWYSIG

1 Mawrth 2019

26 Ebrill 2019

Dechrau Mai 2019

24 - 26 Mai 2019

27 Mai - 1 Mehefin 2019

2 Mehefin 2019

Dyddiad dychwelyd ceisiadau
Dyddiad olaf anfon tâl am stondin/safle
Pecynnau gwybodaeth yn cael eu hanfon
Diwrnodau gosod eich stondin
Dyddiadau yr Eisteddfod
Diwrnod olaf clirio eich stondin/safle

MANYLION CYSWLLT

Ffôn: 01678 541 012

Ebost: ruth@urdd.org

Cwmni Urdd Gobaith Cymru.

Rhif Cwmni: 263310

Rhif Elusen: 524481

Adran Eisteddfod yr Urdd
Gwersyll yr Urdd Glan-Ilyn
Llanuwchllyn
Y Bala
Gwynedd
LL23 7ST

urdd.cymru/eisteddfod
eisteddfod@urdd.org
0345 257 1613



Eisteddfod yr Urdd



@eisteddfodurdd

OPSIYNAU STONDINAU

STONDIN SYLFAENOL

Darperir stondinau sylfaenol yr Eisteddfod gan gwmni [LH Woodhouse](#) ac mae modd llogi'r meintiau canlynol:

3m (lled) x 6m (dyfnder):

Cost:

Trydydd Sector (mudiadau elusennol/gwirfoddol/cymunedol) **£650 + TAW**

Sector Preifat / Cyhoeddus: **£750 + TAW**

3m (lled) x 9m (dyfnder)*

Cost:


Trydydd Sector (mudiadau elusennol/gwirfoddol/cymunedol) **£750 + TAW**

Sector Preifat / Cyhoeddus: **£850 + TAW**


***Niferoedd cyfyngedig o unedau 3m x 9m sydd ar gael**

Mae'r prisiau yn cynnwys llawr pren, rheilen baner, llen i gau'r uned dros nos a ramp.

Mesuriadau manwl i'w gweld isod:



Nodwch: Oherwydd natur y safle yn 2019, bydd yr holl unedau Woodhouse yn cael eu lleoli ar arwynebedd caled, gyda blociau carreg yn cael eu defnyddio i'w 'hangori' yn ddiogel.



LLOGI GOFOD AR Y MAES

Llogi gofod ar gyfer eich trelar/uned arddangos eich hun

Cost: £30 y medr sgwar + TAW (isafswm o 10m²)

[Byddwch yn ymwybodol bod y gofod sydd ar gael yn eithaf prin.]

CABANAU / 'CHALETS' PREN 3m x 2.5m

Caban â Chownter



Caban 'Drws Stabl'



Mae'r cabanau pren ar gael i'w llogi yn ystod wythnos yr Eisteddfod, ac yn cynnig dewis amgen i'r stondinau arddangos Woodhouse sy'n fwy o faint. Fel mae'r enwau yn awgrymu, mae'r Caban â Chownter yn cynnig arwynebedd er mwyn arddangos nwyddau, tra bod y Caban 'Drws Stabl' yn gallu cael ei gadw ynghau neu ei agor er mwyn caniatáu i gwsmeriaid ddod mewn i weld eich nwyddau.

Mae'r cabanau yn hawdd i'w hagor a'u cau, ac yn gallu cael eu cloi dros nos ac ar adegau pan nad ydych o gwmpas.

Nodwch os gwelwch yn dda:


- Oherwydd bod gan yr Urdd gytundebau arlwyio ar wahân, ni chaniateir gwerthu bwyd o'ch uned os ydy hynny yn golygu eich bod yn cystadlu'n uniongyrchol gyda'r unedau arlwyio symudol.
Os yn ansicr, cysylltwch â swyddfa'r Eisteddfod am gyngor.
- Nid oes modd archebu cyflenwad dŵr i unrhyw gabanau am resymau ymarferoldeb. Mae modd archebu gwasanaethau ychwanegol eraill, fel trydan a gwasanaethau TG os dymunir.

Pris caban 3m x 2.5m yw **£450 (+TAW) am y 6 diwrnod llawn**

Gellir archebu trydan a chyfleusterau Technoleg Gwybodaeth drwy lenwi'r ffurflenni perthnasol.

GWASANAETHAU YCHWANEGOL

TRYDAN



Soced ddwbl 13 Amp.
Addas ar gyfer stondin sylfaenol
£195



Plwg Glas ceeform 16/32/63 Amp - ffas unigol
Addas ar gyfer trêlar arddangos
16A - £195
32A - £395
63A - £600



Plwg coch ceeform 32/63 Amp - 3 ffas
Addas ar gyfer trêlar arddangos
32A - £800
63A - £950



Golau Ffliworoleuo
£100 am yr un cyntaf a £30 am bob un ychwanegol

Dylid ystyried y defnydd o drydan ar eich stondin yn ofalus. Os ydych yn ansicr, cysylltwch â Swyddfa'r Eisteddfod.

Rhaid darllen tudalen14 'Diogelwch Trydan' cyn archebu cyflenwad trydan.

DŴR

Tap dŵr oer: **£250**

Tap dŵr oer, sinc a chasglydd dwr budr: **£395**

Nodwch: Does dim modd archebu dŵr ar gyfer y cabanau. Mae modd cyflenwi dŵr ar gyfer nifer cyfyngedig o unedau 'Woodhouse'.

GWASANAETHAU YCHWANEGOL

TECHNOLEG GWYBODAETH

Darperir gwasanaethau technoleg gwybodaeth gan gwmni allanol sydd yn creu rhwydweithiau dros dro ar Faes yr Eisteddfod. Mae rhwydwaith benodedig ar gael ar gyfer Stondinwyr ar gyfer pori'r we, gwirio e-byst a ffrydio fideos byr. Os oes gennych anghenion ychwanegol er enghraifft ffrydio fideos mawr am gyfnod hir neu ddarlledu o'r Maes, cysylltwch â Swyddfa'r Eisteddfod.

Cyswllt trwy wifren (RJ45):

Cyswllt Cyntaf (1 Ddyfais): **£185**

Am bob cyswllt ychwanegol: **£70**

Nodwch nad oes modd i chi gysylltu *switch/router* gan y bydd yn gorlwytho'r rhwydwaith.

Cyswllt di-wifr (Wi-Fi):

Cyswllt cyntaf (1 Ddyfais) : **£160**

Am bob cyswllt di-wifr ychwanegol: **£55**

PEIRIANT PDQ (i dderbyn taliadau cerdyn)

Mae modd i stondinwyr logi peiriant PDQ i dderbyn taliadau gyda cherdyn.

Pris £180 (+ £195 ar gyfer cyflenwad trydan)

Os byddwch am archebu peiriant PDQ, bydd yr Urdd yn trosglwyddo eich manylion cyswllt i gwmni allanol (Etherlive Ltd) a bydd y cwmni yn cysylltu gyda chi ac yn eich anfonebu'n uniongyrchol am gost y ddarpariaeth (sy'n cynnwys cyswllt rhyngrwyd)

Noder: Bydd angen archebu cyflenwad trydan drwy'r Urdd os am dderbyn peiriant PDQ.

Wrth archebu peiriant PDQ, byddwch yn ymwybodol o'r canlynol:

- Bydd yr Urdd yn trosglwyddo eich manylion i gwmni allanol (Etherlive Ltd) a bydd y cwmni yn eich anfonebu'n uniongyrchol am gost y ddarpariaeth.
- Bydd angen archebu cyflenwad trydan drwy'r Urdd.
- **Ni fydd modd derbyn ceisiadau ar gyfer Peiriant PDQ ar ôl 19 Ebrill 2019.**
- Gwnewch yn siŵr bod gennych eich Rhif Cyfrif Masnachwr (*Merchant Account Number*)
- Ni fydd angen i chi archebu cyswllt a'r we. Mae hynny'n gynwysedig yn mhpris y peiriant PDQ

CANLLAWIAU ARCHEBU A THALU

ARCHEBU EICH STONDIN

Rhaid i bob cais gyrraedd Swyddfa'r Eisteddfod gyda blaendâl o £100 neu'r swm llawn, dim hwyrach na **01 Mawrth 2019**. Wedi'r dyddiad hwn, ni allwn warantu lle ar y Maes na gwarantu y bydd unrhyw wasanaethau yn cael eu darparu.

Rhaid i bob ymgeisydd nodi'r cyfleusterau y dymunant wrth wneud cais (e.e bwrdd, trydan, dŵr a.y.b). Ni fydd yr Urdd yn cymryd cyfrifoldeb am gyfleusterau sydd heb eu darparu os nad yw'r ffurflen archeb wedi ei llenwi yn gywir a chyflawn.

Nodwch: Mae gan yr Urdd hawl i wrthod ceisiadau.

TALIADAU

Dylid anfon blaendâl o £100 gyda phob cais neu'r swm llawn.

Gellir talu gyda: **Siec**yn daladwy i Eisteddfod yr Urdd 2019.
Cerdyn credyd.....ffoniwch 01678 541 009 i dalu gyda cherdyn
Taliad BACS.....gan ddefnyddio'r wybodaeth yma:

Enw'r Cyfrif: Urdd Gobaith Cymru Eisteddfod Genedlaethol Caerdydd a'r Fro 2019
Rhif Cyfrif: 91720503
Côd Didoli: 40-08-09

Os yn talu trwy ddull BACS anfonwch ebost i gadarnhau'r taliad at iwantudur@urdd.org
Os yn berthnasol, cofiwch gynnwys fanylion y Rhif Archeb.

Byddwch yn derbyn anfoneb am y gweddill sydd i'w dalu, a dylid sicrhau bod yr Urdd wedi derbyn taliad llawn erbyn **26 Ebrill 2019**

**Ni fydd lleoliad ar gynllun y Maes yn cael ei neilltuo i chi,
na thocynnau a phas cerbyd yn cael eu hanfon os nad yw'r
Urdd wedi derbyn taliad llawn erbyn 26 Ebrill 2019.**

TYNNU CAIS YN ÔL

Os oes angen tynnu eich cais yn ôl, cysylltwch â'r Swyddfa cyn gynted â phosib.
Ni ad-delir y blaendâl, ac os diddymir cais ar ôl 26 Ebrill 2019 ni ddychwelir unrhyw dâl am y safle.

TOCYNNAU MYNEDIAD A PHAS CERBYD

TOCYNNAU - Nodwch y trefniadau newydd ar gyfer 2019

Bydd mynediad i Faes yr Eisteddfod yn rhad ac am ddim yn 2019, felly ni fydd angen tocyntau mynediad ar unrhyw staff na gwirfoddolwyr sy'n gweithio ar eich uned.

Bydd rhaid i oedolion sy'n dymuno mynychu unrhyw leoliadau cystadlu (Theatr Donald Gordon, Stiwdios Rhagbrofion, Neuadd Gorawl, Neuadd Ddawns a.y.b.) brynu Bandiau Braich. Bydd manylion ynglŷn â phrynu bandiau braich ar ein gwefan o fis Chwefror 2019.

PASYS CERBYD

Er mwyn i gerbydau stondinwyr gael mynediad i'r Maes, mae'n rhaid arddangos y pasys priodol.

- Mae'r **Pas Gosod a Dadosod** ar gyfer cerbydau sydd angen mynediad i'r Maes er mwyn gosod a chlirio uned/standin cyn ac ar ôl yr Eisteddfod.

Dylid casglu'r pas hwn gan y staff Diogelwch wrth gyrraedd Parcio Standinwyr / Man Ymgynnull Cerbydau, a bydd yn caniatáu mynediad i'r Maes ar y dyddiadau canlynol:

Dydd Gwener 24 Mai 2019 - Dydd Sul 26 Mai 2019,
a dydd Sadwrn 01 Mehefin 2019 (ar ôl 18:00) - Ddydd Sul 02 Mehefin 2019

Oherwydd cyfyngiadau ar y Maes ac oherwydd anghenion diogelwch, bydd cerbydau stondinwyr yn cael eu hebrwng o'r ardal Parcio Standinwyr i'r Maes.

- Mae'r **Pas Standinwyr** ar gyfer cerbydau sydd angen mynediad i'r Maes Parcio Standinwyr ac i Faes yr Eisteddfod yn ystod wythnos yr Eisteddfod.

Anfonir y pas hwn atoch gyda'ch pecyn stondinwyr, a bydd yn caniatáu mynediad i'r Maes (cyn 07:00 ac ar ôl 18:00 os yw'n ddiogel i wneud hynny) ac i'r Maes Parcio Standinwyr ar y dyddiadau canlynol:
Llun 27 Mai - Sadwrn 01 Mehefin 2019

Nodwch: Er mwyn rheoli'r nifer o gerbydau ar y safle, ac er mwyn lleihau'r anhwylystod i fasnachwyr, arlwywyr a chontractwyr, ni fydd yr Urdd yn dosbarthu mwy na 1 Pas Cerbyd fesul cais.

Rheolir symudiadau cerbydau ar y Maes yn llym ac mae'n ofynnol i bob stondinwr gadw at y rheolau yma.

Oherwydd yr ystyriaethau diogelwch unigryw o gwmpas ardaloedd Roald Dahl Plass (y basn) ac adeilad y Pierhead, dim ond os yw'r gwbl angenrheidiol caniateir mynediad i gerbydau.

GOSOD EICH STONDIN

GOSOD EICH STONDIN

Bydd y stondinau ar gael i chi eu gosod o **09:00 - 18:00 dydd Gwener 24 Mai** hyd at **ddydd Sadwrn 25 Mai, a rhwng 10:00 - 16:00 ar ddydd Sul 26 Mai 2019**

Dylid gosod yn ôl y rhif stodin neu'r lleoliad a glustnodwyd i chi. Os nad ydych yn y lleoliad cywir, bydd Swyddogion yr Eisteddfod yn gofyn i chi symud cyn gynted â phosib.

Gan bod y Maes yn parhau i fod yn safle adeiladu tan iddo agor i'r cyhoedd, **rhaid i bob unigolyn ar y safle wisgo siacedi llachar (hi-visibility) ar bob achlysur tra'n gosod stodin.** Gall yr Urdd fynnu bod unrhyw un sydd yn torri'r rheol hon yn gadael y maes. Bydd nifer cyfyngedig o siacedi llachar ar gael i'w prynu os oes angen.

MYNEDIAD I GERBYDAU AR Y MAES

Rhaid i bob cerbyd gadw at y llwybrau priodol ar y Maes a dilyn cyfarwyddiadau staff y Maes ynglŷn â symudiadau cerbydau.

Cyfnod gosod eich stodin (24 – 25 Mai 2019):

Rhaid i unrhyw gerbyd sy'n dymuno cael mynediad i'r Maes ar y dyddiau hyn arddangos y **Pas Gosod a Dadosod** priodol. Cerbydau a fydd yn dadlwytho nwyddau ac yn cludo offer trwm yn unig a ganiateir ar y Maes. Rhaid i weithwyr eraill barcio yn rhywle arall ym Mae Caerdydd a cherdded i'r Maes. Unwaith i chi orffen dadlwytho'r cerbyd, dylid eii symud a'i barcio yn y Maes Parcio Stodinwyr cyfagos.

Dydd Sul 26 Mai 2019:

Caniateir mynediad i gerbydau ar Ddydd Sul 26 Mai rhwng 10:00 a 16:00 o'r gloch yn unig oherwydd presenoldeb nifer fawr o blant, pobl ifanc ac aelodau o'r cyhoedd ar y Maes ar gyfer ymarferion a chyngherddau yn y Pafiliwn. Mae croeso i stondinwyr ddoed i'r Maes heb gerbydau o 09:00 ymlaen er mwyn cwblhau trefniadau ar eu stondinau.

CONTRACTWYR

Os ydych yn defnyddio contractwyr allanol i osod eich stodin, **eich cyfrifoldeb chi yw sicrhau bod yr wybodaeth yn y Llyfryn hwn yn cael ei drosglwyddo iddynt.**

DIOGELWCH

Bydd swyddogion diogelwch ar y Maes bob eiliad o'r dydd a'r nos yn ystod wythnos yr Eisteddfod ac yn y cyfnod yn arwain i fyny at yr Eisteddfod. Fe'ch anogir i beidio â chadw nwyddau gwerthfawr nac arian parod ar eich stodin dros nos. Ni chaniateir i unrhyw un aros dros nos yn y stodin.

Os oes angen eich presenoldeb diogelwch eich hunan arnoch, cysylltwch gyda Swyddfa'r Eisteddfod am fanylion cyswllt y cwmnïau rydym yn gweithio gyda nhw.

WYTHNOS YR EISTEDDFOD

MYNEDIAD: 27 Mai - 01 Mehefin 2019

Yn 2019 nid oes angen tocynnau er mwyn cael mynediad i'r Maes yn ystod wythnos yr Eisteddfod. Bydd y Maes yn agor i'r cyhoedd am 07:00 bob bore.

MYNEDIAD I GERBYDAU

Yn ystod wythnos yr Eisteddfod, rheolir symudiadau cerbydau ar y Maes yn llym iawn. Bydd modd i stondinwyr gael mynediad i'r Maes rhwng 06:00 - 07:00 ar yr amodau canlynol:

Eich bod yn arddangos y Pas Stodinwyr ar y cerbyd.

Rhaid i gerbydau adael cyn 07:00 y bore pan fyddwn yn agor y Maes i'r cyhoedd.

Nid oes hawl parcio'r cerbyd ar y Maes yn ystod y dydd. Unwaith i chi ddadlwytho, mae'n rhaid ei symud a'i barcio yn y Maes Parcio Stodinwyr.

Os bydd cerbyd yn parhau i fod ar y Maes ar ôl 07:00, cymerir camau i'w symud, ac ni fydd modd i'r cerbyd gael ail fynediad am weddill wythnos yr Eisteddfod.

Caniateir mynediad i rai cerbydau ar ôl 18:00 i gyflenwi stondinau os ystyrir ei bod yn ddiogel i wneud hyn.

AGOR EICH STONDIN

Mae niferoedd sylweddol o Eisteddfodwyr a chystadleuwyr ar y Maes o 07:00 ymlaen, ac mae modd i chi agor eich stodin o'r amser yma ymlaen. Dylai **POB** stodin fod ar agor erbyn 09:00 ar yr hwyraf.

GWASANAETH CLUDO NWYDDAU

Mae gwasanaeth cludo nwyddau ar gael i stondinwyr ar ôl 08:00. Cysylltwch â Swyddfa'r Eisteddfod ar y Maes ac fe fydd modd iddynt gysylltu gyda'r staff perthnasol er mwyn iddynt eich cynorthwyo.

PARCIO STONDINWYR

Mae Maes Parcio penodol ar gyfer Stodinwyr. Cewch barcio eich cerbyd yn y maes parcio yma drwy arddangos y **Pas Stodinwyr** ar y cerbyd. Bydd lleoliad y maes parcio, a map o'r safle yn cael eu cynnwys yn y pecyn a anfonir atoch ar ddechrau mis Mai 2019.

WYTHNOS YR EISTEDDFOD

ARCHWILIO EICH STONDIN

Gall Swyddogion yr Eisteddfod ymweld â'ch stondin yn ystod yr amser gosod gan wirio bod y rheolau yn cael eu parchu. Bydd hawl gan y Swyddogion i ofyn am newidiadau. Rhaid i stondinwyr gydymffurfio ag unrhyw awgrymiadau a newidadau.

Os oes gennych gwestiwn neu ymholiad cysylltwch â'r Cydlynnydd Stondinau cyn gynted â phosib er mwyn delio gyda'r mater.

CLIRIO EICH UNED

Gellir dechrau pacio a chlirio eich uned o **17:00 ar ddydd Sadwrn 01 Mehefin** ond ni fydd modd dod â cherbyd ar y Maes tan **18:00** er mwyn sicrhau diogelwch y cyhoedd. Rhaid i bawb gydymffurfio â'r rheol yma.

Bydd yn ofynnol i unrhyw gerbyd arddangos y **Pas Gosod + Dadosod** priodol ar y cerbyd i gael mynediad i'r Maes.

Bydd symudiadau cerbyd yn cael eu monitro gan swyddogion diogelwch ar y Maes tan 23:00. Ni chaniateir mynediad ar ôl hynny.

Bydd gan stondinwyr hawl i ddod ar y Maes ar **ddydd Sul 02 Mehefin** i orffen clirio.

Rhaid i BOB stondin/strwythur/gofod fod wedi ei glirio erbyn 17:00 ar ddydd Sul 02 Mehefin 2019.

YSBWRIEL AC AILGYLCHU

Dylid sicrhau bod y stondinau/strwythurau yn cael eu clirio yn llwyr ac yn cael eu gadael mewn cyflwr derbyniol.

Dylid clirio unrhyw sbwriel/deunydd ailgylchu drwy eu gosod yn y biniau pwrpasol ar y Maes neu eu cludo o'r Maes.

IECHYD A DIOGELWCH

ASESIAD RISG A DIOGELWCH Y CYHOEDD

Mae'n ofynnol i bob stondinwr gwblhau y Ffurflen Asesiad Risg a'i dychwelyd gyda'r cais. Mae canllawiau wedi eu nodi ar gefn y daflen ond os hoffech eglurhad pellach, cysylltwch â Swyddfa'r Eisteddfod. Cyfrifoldeb y stondinwr yw sicrhau bod y stondin yn ddiogel.

GENERADURON

Ni chaniaterir generaduron cynhyrchu trydan ar y Maes ar unrhyw gyfrif.

POBL AG ANABLEDDAU

Bydd yr Urdd yn darparu ramp i mewn i bob stondin ond dylai stondinwyr wneud pob ymgais posib i ddarparu ar gyfer pobl ag anableddau o fewn y stondin. Dylid hwyluso eu symudiad i mewn, allan ac o amgylch yr uned/arddangosfa.

SILINDRAU NWY

Os ydych yn bwriadu defnyddio silindrau nwy, rhaid sicrhau eu bod yn ddiogel mewn ffrâm arbennig, neu wedi'u clymu yn ddiogel at ffrâm yr uned yn unionsyth i fyny heb berygl iddo ddisgyn yn ddamweiniol gan achosi niwed i'r falf reoli neu'r cyhoedd. Ni chaniateir gosod y silindr ar y llawr oherwydd y tebygolrwydd o ddifrod i'r falf. Rhaid trosglwyddo unrhyw silindr sbâr i ofal staff Maes yr Eisteddfod i'w storio mewn cawell arbennig.

OFFER YMLADD TÂN

Rhaid i bob stondinwr sicrhau bod offer ymladd tân addas a phwrpasol ar gael tu fewn i'r uned/safle yn unol â chanlyniad yr Archwiliad Risg Tân. Lle mae'r Asesiad Risg yn nodi 'dim risg tân' yr ydym yn dal i ddisgwyl offer ymladd tân sylfaenol i fod ar gael yn yr uned. Dylech sicrhau bod staff yr uned yn gwybod beth i wneud os digwydd tân.

CYMORTH CYNTAF

Bydd swyddogion cymorth cyntaf ar y Maes. Cysylltwch â Stiward neu aelod o staff yr Urdd yn syth os bydd angen cymorth cyntaf.

RHEOLAU AC AMODAU CYFFREDINOL

ALCOHOL

Ni chaniateir gwerthu alcohol ar eich stondin. Os yw stondinwyr am gynnal digwyddiad ar eu huned neu unrhyw strwythur arall - e.e. lansio strategaeth neu lansio llyfr newydd - Rhaid gwneud cais ysgrifenedig i Swyddfa'r Eisteddfod mewn da bryd cyn yr Eisteddfod am ganiatâd swyddogol i weini alcohol fel rhan o'r lluniaeth ar gyfer yr achlysur penodol. Rhaid cydymffurfio gyda chanllawiau a rheolau pendant yr Urdd ar y mater yma sy'n cynnwys mynediad trwy wahoddiad yn unig i'r digwyddiad, stiwardio a rheoli mynediad i'r digwyddiad. Am eglurhad pellach neu am fwy o wybodaeth cysylltwch â Swyddfa'r Eisteddfod.

CWYNION

Dylid cyflwyno unrhyw gŵyn yn ysgrifenedig i Swyddfa'r Eisteddfod o fewn saith niwrnod wedi'r Eisteddfod. Os oes problem yn codi yn ystod wythnos yr Eisteddfod, fe'ch anogir i drafod y mater yn syth er mwyn ei datrys.

CYHOEDDUSRWYDD

Yn flynyddol, derbynnir ceisiadau gan y wasg/cyfyngau yn holi am restr o fanylion cyswllt stondinwyr. Oni bai eich bod yn nodi i'r gwrthwyneb (hynny yw, ticio'r blwch perthnasol ar Ffurflen A) byddwn yn cyhoeddi enw a gwefan y cwmni ar wefan yr Urdd ac yn darparu enw a gwefan y cwmni i gynrychiolwyr o'r wasg/cyfyngau sy'n holi am y wybodaeth.

Y CYFNOD LLOGI

Y cyfnod llogi fydd o ddydd Llun 27 Mai hyd at ddydd Sadwrn 1 Mehefin 2019. Bydd y cyfnod gosod o fore Gwener 24 Mai hyd at ddydd Sul 26 Mai 2019. Rhaid agor erbyn 09:00 o ddydd Llun i ddydd Sadwrn ac aros ar agor hyd at o leiaf 17:00 trwy gydol wythnos yr Eisteddfod.

DIOGELWCH

Mae gan yr Eisteddfod swyddogion diogelwch ar ddyletswydd ar y Maes 24 awr. Nid yw'r Eisteddfod yn derbyn cyfrifoldeb am ddiogelwch unrhyw eiddo mewn stondin/safle. Rhaid i bob stondinwr sy'n bwriadu cael swyddog diogelwch dros nos ar ei uned neu sy'n bwriadu gosod offer CCTV hysbysu Swyddfa'r Eisteddfod. Fe'ch cynghorir i beidio gadael eiddo gwerthfawr nac arian sylweddol o fewn eich uned dros nos. Ni chaniateir i stondinwyr gysgu yn eu hunedau dros nos

RHEOLAU AC AMODAU CYFFREDINOL (parhad)

DIOGELWCH TRYDAN

Rhaid i bob gwaith trydanol ar faes yr Eisteddfod gael ei gyflawni neu ei gymeradwyo gan contractwyr yr Eisteddfod. Rhaid cydymffurfio â gofynion y Sefydliad Peirianwyr Trydan (BS7909: 2011) ynghyd ag unrhyw newidiadau iddynt yn y dyfodol.

Ni chaniateir i unrhyw un ymyrryd â na gosod unrhyw offer trydanol. Mae gan yr Eisteddfod yr hawl i wrthod gosod/cysylltu unrhyw offer trydanol diffygiol neu osodiad sydd heb ei brofi. Ni chaniateir generaduron cynhyrchu trydan ar y Maes.

Wrth wneud cais am drydan, dylid ystyried yn fanwl pa ddefnydd sydd i'w wneud o'r cyflenwad. Er enghraifft, mae un plwg 13 amp yn ddigon i bweru teclyn hyd at 3 kw (fel boiler cynhesu dŵr). Os byddwch yn gorlwytho'r plwg, yna fe all y cyflenwad ddiffodd. Cysylltwch â Swyddfa'r Eisteddfod gydag unrhyw ymholiadau.

RHAFFAU PEBYLL

Rhaid sicrhau bod pob pabell ar safle rhydd yn ddiogel, ac nad yw'r rhaffau yn creu perygl o faglu.

Rhaid sicrhau bod y babell wedi ei diogelu rhag gwynt cryf a thywydd garw.

GWERTHU NWYDDAU

Rhaid nodi yn glir ar Ffurflen A pa fath o nwyddau yr ydych yn bwriadu gwerthu ar eich stondin.

Caniateir arddangos nwyddau o flaen y stondin ar yr amod nad ydych yn amharu ar stondinwyr eraill nac ar y cyhoedd. Ni chaniateir crwydro'r Maes yn gwerthu nwyddau, ar wahân i gylchgronau a phapurau newydd a chyhoeddiadau swyddogol yr Eisteddfod. Ni ddylid gwerthu nwyddau o flaen stondin arall.

Ni chaniateir casglu arian neu werthu tocynnau raffl o gwmpas Maes yr Eisteddfod, ond ni wrthwynebir i chi wneud hynny o fewn eich uned.

Ni chaniateir gwerthu bwyd a diod gan fod cytundebau arlwygo ar wahân yn bodoli. O dan amgylchiadau penodol a thrwy ganiatâd yr Eisteddfod yn unig, gellir caniatáu rhai mathau o fwydydd. Os ydych yn ansicr, cysylltwch â'r Swyddfa.

RHEOLAU AC AMODAU CYFFREDINOL (parhad)

IAITH YR EISTEDDFOD

Y **Gymraeg yw iaith yr Eisteddfod**. Rhaid sicrhau bod yr holl arwyddion tu fewn a thu allan i'r stondinau yn y **Gymraeg**.

Dylid cynnal **Gweithgareddau a Gweithdai** trwy gyfrwng y **Gymraeg**. Rhaid i gerddoriaeth (fyw ac wedi ei recordio) a chwaraeir ar eich uned fod yn y Gymraeg neu yn offerynnol. Os nad ydych yn gyfarwydd â'r amrywiaeth eang o gerddoriaeth Gymraeg sy'n bodoli yna cysylltwch gyda'r swyddfa am arweiniad.

Caniateir **arwyddion, arddangosfeydd a deunydd hyrwyddo** mewn mwy nag un iaith ond rhaid rhoi'r Gymraeg yn gyntaf.

Noder: Gellir cael rhestr o gyfieithwyr drwy gysylltu â Swyddfa'r Eisteddfod.

Bydd nifer o gwsmeriaid ac ymwelwyr yn holi ac yn archebu trwy gyfrwng y Gymraeg. Rhaid i bob stonidwr sicrhau bod ganddynt staff sy'n siarad Cymraeg bob amser.

RHAID I BOB STONIDWR GYDYMFFURFIO Â'R RHEOL UCHOD.

IECHYD A DIOGELWCH

Fe'ch anogir i ddarllen polisi lechyd a Diogelwch yr Eisteddfod. Rhaid gweithredu yn unol â'r polisi hwn a gellir cael copïau llawn o'r ddogfen o Swyddfa'r Eisteddfod.

Rhaid sicrhau eich bod yn cwblhau'r Ffurflen Asesiad Risg yn y pecyn a'i dychwelyd gyda'r ffurflen gais. Rhaid derbyn y ffurflen er mwyn cyflwyno'r cyfan i swyddogion y Cyngor Lleol a'r Frigâd Dân. Os oes unrhyw anhawster gyda llenwi'r ffurflen hon cysylltwch â Swyddfa'r Eisteddfod.

Os ydych yn bwriadu defnyddio silindrau nwy, mae'n rhaid sicrhau eu bod yn ddiogel mewn ffrâm arbennig, neu wedi'u clymu yn ddiogel at ffrâm yr uned yn unionsyth i fyny heb berygl iddo ddisgyn yn ddamweiniol gan achosi niwed i'r falf reoli neu i'r cyhoedd. Nid yw'n dderbyniol gosod y silindr ar y llawr oherwydd y tebygolrwydd o ddifrod i'r falf. Rhaid trosglwyddo unrhyw silindr sbâr i ofal staff Maes yr Eisteddfod i'w storio mewn cawell arbennig.

IS-OSOD EICH STONIDIN

Ni chaniateir i unrhyw stonidwr is-osod ei stonid/safle neu ran ohono i fudiad arall heb ganiatâd o flaen llaw gan yr Urdd.

LLEOLIAD Y STONIDIN

Ni ellir gwarantu lleoliad penodol ar y Maes i unrhyw fudiad, ac ni fydd yr Eisteddfod yn gyfrifol am unrhyw golled ariannol tybiedig gan unrhyw stonidwr.

RHEOLAU AC AMODAU CYFFREDINOL (parhad)

PARATOI A DELWEDD EICH STONDIN

Rhaid sicrhau bod pob stondin yn edrych yn ddeniadol. Bydd gan yr Urdd yr hawl i ofyn am newidiadau. Rhaid cadw pob stondin yn daclus a'i adael mewn cyflwr derbyniol ar ddiwedd yr Eisteddfod. Codir tâl gan yr Urdd am symud sbwriel diangen. Gellir gwrthod cais am stondin yn y dyfodol os na chedwir y stondin yn daclus. Darperir biniau sbwriel ac ailgylchu ac fe'ch anogir i'w defnyddio.

POST/PARSELI/CYFLENWADAU

Rhaid nodi'n glir enw'r cwmni a rhif y stondin ar nwyddau/gohebiaeth sy'n cyrraedd safle'r Eisteddfod. Gofynnir i bob stondinwr dynnu sylw eu cyflenwyr at y rheol hon er mwyn sicrhau bod popeth yn cyrraedd pen y daith yn hwylus ac yn ddiraffferth.

Y cyfeiriad post ar gyfer swyddfa'r Urdd ym Mae Caerdydd yw:

Swyddfa'r Urdd, Canolfan Mileniwm Cymru, Plas Bute, Caerdydd CF10 5AL

POSTERI

Ni chaniateir gosod posterï o gwmpas y Maes.

RHANNU STONDIN

Mae'r Eisteddfod yn fodlon ystyried derbyn ceisiadau oddi wrth fwy nag un sefydliad/mudiad sydd eisiau rhannu stondin. O dan y drefn hon rhaid i bob sefydliad neu fudiad gwblhau Ffurflen A gan ein hysbysu yn glir pa sefydliadau/mudiadau sy'n rhannu a pha un o'r sefydliadau/mudiadau yw'r prif gyswilt er mwyn bod yn gyfrifol am gostau ac anghenion llogi'r uned. Bydd anfonebau, gwybodaeth bellach a thocynnau yn cael eu hanfon i'r sefydliad/mudiad yma.

TORRI RHEOLAU

Os torrir rheolau ac/neu amodau llogi stondin/safle, gall yr Urdd derfynu'r cytundeb heb rybudd ac ar unwaith. Os digwydd hyn, ni ad-delir unrhyw dâl. Gall yr Urdd wrthod cais am stondin neu safle gan yr stondinwr yn y dyfodol.

TRWYDDED PRS

Os ydych yn bwriadu perfformio cerddoriaeth yn gyhoeddus ar eich stondin (yn fyw neu wedi ei recordio) rhaid i chi yn ôl y gyfraith gael Trwydded PRS. Am fanylion pellach gweler www.prsformusic.com

Os ydych yn bwriadu cynnal gweithgareddau trwyddedig ar eich stondin (e.e. perfformiad cyhoeddus o gerddoriaeth - fyw neu wedi'i recordio - drama, ffilm, dawns) mae'n bosib bod angen i chi gael trwydded gan yr awdurdod lleol. Cysylltwch â'r Urdd am arweiniad.

RHEOLAU AC AMODAU CYFFREDINOL (parhad)

TWRW AC YMYRRAETH

Disgwylir i bob stonidwr a'i staff ymddwyn yn y modd priodol ac i barchu stonidwyr eraill a phawb ar y Maes. Nid oes hawl cynnal gorymdeithiau na phrotestiadau sydd naill ai'n tarfu ar weithgareddau ac awyrgylch yr Eisteddfod, yn rhwystro gweithgareddau neu yn difrodi eiddo mudiadau eraill neu eiddo Urdd Gobaith Cymru. Ni fydd yr Urdd yn goddef unrhyw ymddygiad a fydd yn tarfu ar fwynhad eraill o'r Wyl ac fe fydd gan yr Urdd yr hawl i gymryd y camau priodol yn erbyn unrhyw stonidwr sy'n tarfu ar eraill a all arwain at wahardd stonidwr o'r Maes yn syth ac heb rybudd. Bydd penderfyniad yr Urdd yn derfynol.

YSWIRIANT

Y stonidwr ac nid yr Urdd sy'n gyfrifol am ddiogelwch ei eiddo ei hunan ar Faes Eisteddfod Genedlaethol yr Urdd, ac am bob gweithgaredd oddi fewn i'r stonidwr. Dylid sicrhau'r yswiriant priodol a digonol.

Bydd y stonidwr yn gyfrifol am ddigolledu'r Urdd rhag unrhyw gostau neu iawndal cyfreithiol a all yr Eisteddfod wynebu yn dilyn gweithgaredd yn y stonidwr sy'n arwain at:

- niwed corfforol gan gynnwys marwolaeth neu afiechyd i unrhyw berson;
- golled neu unrhyw ddifrod i eiddo yr Urdd neu eraill.

FORCE MAJEUR

AMGYLCHIADAU TU HWNT I REOLAETH URDD GOBATH CYMRU

Nid yw'r Urdd yn cymryd cyfrifoldeb am ddigwyddiadau neu amgylchiadau tu hwnt i'w reolaeth neu na ellir eu rhagweld. Gall hyn gynnwys (fel esiampl yn unig ac nid cyfyngiad) tywydd garw, stormydd, trychinebau naturiol, llifogydd, rhyfel, streic, gweithred neu orchymyn gan awdurdod lywodraethol (boed yn ddilys neu beidio). Yn sgil digwyddiad tebyg i'r rhai a nodwyd uchod, bydd yr Urdd yn ceisio rhoi blaen rybudd i stonidwyr mewn da bryd, ond ni ellir gwarantu y bydd hyn yn bosib bob tro. Petai digwyddiad o'r math yn ystod wythnos yr Eisteddfod na ellir ei rhagweld (e.e. tywydd garw) ni fydd yr Urdd yn derbyn cyfrifoldeb am golled ariannol.

Drwy ddychwelyd Ffurflen 'A' rydych yn cytuno eich bod wedi darllen y Rheolau ac Amodau uchod ac yn ymrwmo i gydymffurfio â nhw.

CYFARWYDDIADAU TEITHIO

CYFEIRIAD Y MAES


Eisteddfod Genedlaethol yr Urdd
Bae Caerdydd
Caerdydd
CF10 4PZ

SUT I GYRRAEDD Y MAES

Cynhelir Eisteddfod yr Urdd ym Mae Caerdydd.

Ni fydd meysydd parcio penodol yn cael eu darparu ar gyfer Eisteddfodwyr yn 2019 oherwydd y nifer fawr o gyfleusterau parcio a rhwydweithiau trafniadaeth gyhoeddus sy'n bodoli yng nghanol dinas Caerdydd ac ym Mae Caerdydd. Darperir maes parcio yn rhad ac am ddim ar gyfer stondinwyr (Deiliaid Pas Cerbyd yn Unig)

Cofiwch ddilyn arwyddion swyddogol yr Eisteddfod wrth deithio i'r Maes.



CWESTIYNAU CYFFREDINOL

- **Pryd gallaf ddod i osod y stondin?**

O 09:00 bore Gwener 24 Mai hyd at 16:00 ar ddydd Sul 26 Mai

- **Beth yw maint stondin sylfaenol?**

Naill ai 3m (lled) x 6m (dyfnder) neu 3m (lled) x 9m (dyfnder)

- **Beth yw uchder stondin sylfaenol**

Uchder o'r llawr pren i'r bondo 2.4m

Uchder o'r llawr pren i'r brig 3m x 6m = 3.5m o uchder
3m x 9m = 4m o uchder

- **Beth yw maint y rheilen ar gyfer baneri?**

3m (hyd) x 0.6m (uchder) neu 6m (hyd) x 0.6m (uchder) ar gyfer stondin ddwbl.

- **Pryd byddaf yn derbyn fy nhocynnau?**

Does dim angen tocynnau mynediad yn 2019. Ar ddechrau mis Mai byddwch yn derbyn pecyn sy'n cynnwys pas cerbyd, cynllun Maes a rhif eich stondin.

- **Pryd gallaf agor y stondin yn ystod wythnos yr Eisteddfod?**

Gellir agor eich stondin o 07:00 bob bore yn ystod wythnos yr Eisteddfod. Mae'n rhaid i bob stondin fod ar agor erbyn 09:00 ar yr hwyraf.

- **Dwi wedi colli'r dyddiad cau ond yn awyddus i logi stondin**

Cysylltwch â Ruth ar 01678 541 012. Pan yn bosib byddwn yn derbyn ceisiadau ar ôl y dyddiad cau ond ni allwn warantu argaeledd strwythurau na gwasanaethau eraill.

- **Sut gallaf hysbysebu digwyddiadau ar fy stondin yn ystod wythnos yr Eisteddfod?**

Bydd bob stondinwr yn cael y cyfle i hyrwyddo digwyddiadau ar ei stondin trwy'r Urdd. Cewch fwy o fanylion ar ddechrau mis Mai .

A

Agor 10, 19
 Alcohol 13
 Archebu 7
 Archwilio 11
 Asesiad Risg 12

B

Blaendal 7

C

Cabanau Pren 4
 Cerbydau 9, 10, 11
 Clirio 11
 Cludo Nwyddau 10
 Contractwyr 9
 Cwynion 13
 Cyfeiriad 18
 Cyhoeddusrwydd 13
 Cymorth Cyntaf 12

D

Darlledu 6
 Delwedd 16
 Digwyddiadau 19
 Diogelwch 9, 12, 13, 14
 Di-wifr 6
 Dŵr 5
 Dyddiadau 2, 7, 19

G

Generaduron 12, 14
 Gofod (Llogi llain o dir) 3
 Gosod 9, 19
 Gwerthu 14

H

Hysbysebu 19

I

laith 15
 Iechyd a Diogelwch 12, 15
 Is-osod 16

LI

Llawr Pren 3
 Lleoliad 15

M

Mynediad 12

P

Parcio 10
 Peiriant PDQ 6
 Post 16
 Posterï 16
 PRS 16

Rh

Rhannu Stodin 16
 Rheilen Baner 3, 19
 Rhif Cyfrif Masnachwr 6

S

Silindr Nwy 12, 15
 Stodin 3, 19

T

Taliad 7
 Tân 12
 Technoleg Gwybodaeth 6
 Tocynnau 8, 19
 Torri rheolau 16
 Trydan 5, 14
 Twrw 17
 Tynnu cais yn ôl 7

W

Woodhouse 3

Y

Y We 6
 Ysbwriel 11
 Yswiriant 17